

թիւն աստուածութեան<sup>1</sup> եւ մարդկութեան<sup>2</sup> ըստ վարդապետութեան<sup>3</sup> իւրում: Իսկ Աստուած Բանն<sup>4</sup> յասելն<sup>5</sup> «Ոչ ոք էլ յերկինս, եթէ ո՛չ որ<sup>6</sup> էջն յերկնից Որդի<sup>7</sup> մարդոյ<sup>8</sup>, որ էն<sup>9</sup> յերկինս: Եւ որպէս Մովսէս<sup>10</sup> բարձրացոյց<sup>11</sup> զաւձն յանապատին<sup>12</sup>, նոյնպէս բարձրանալ պարտ է Որդւոյ<sup>13</sup> մարդոյ<sup>14</sup>», ահա Որդին մարդոյ այս է: Աղէ՛ նայեա՛<sup>15</sup>, թէ՛ զի՞նչ մեկնեալ դաստիարակէ ի մեզ Որդին մարդոյ<sup>16</sup>: Վերագոյն<sup>17</sup> Որդի մարդոյ<sup>18</sup> ասէ, իսկ ի ներքսագոյն ճառեալ՝ Աստուած միացեալ ի մարմնի<sup>19</sup> եւ Որդի Աստուծոյ: Քանզի ասէ, թէ՛ «Այնչափ սիրեաց Աստուած զաշխարհս<sup>20</sup>, մինչեւ զՈրդին իւր Միածին ետ»: Ահա մեկնեաց զՈրդին մարդոյ<sup>21</sup> Որդի Աստուծոյ<sup>22</sup> եւ Աստուած ճշմարիտ, մի բնու-

թեամբ: Եւ որ հաւատայ<sup>23</sup> ի նա՛ ընդունի<sup>24</sup> զկեանս<sup>25</sup> յաւիտենից<sup>26</sup>:

Արդ՝ աղէ՛ նայեա՛ եւ<sup>27</sup> միտ<sup>28</sup> դի՛ր. վերագոյն<sup>29</sup> ասէ՛ «Ոչ ոք էլ յերկինս, եթէ<sup>30</sup> ո՛չ որ էջն յերկնից<sup>31</sup>, Որդի<sup>32</sup> մարդոյ<sup>33</sup>, որ էն յերկինս», եւ ի բացուստ ի ներքսագոյն<sup>34</sup> ասէ. «Տեսանիցէ՞ք զՈրդի մարդոյ<sup>35</sup>, զի ելանիցէ՛ ուր էր զառաջինն»: Ահա ամփոփեաց<sup>36</sup> միացոյց զԱստուածութիւնն<sup>37</sup> եւ զմարդկութիւնն, եւ ընկղմեաց զմերայինս, խառնեաց յիւր Աստուածութիւնն<sup>38</sup>, վասն զի անքակեցաւ ի մարմնի բնութեամբ եւ մեկնեալ պարզեաց ի մեզ զյստակութիւն միացեալ բնութեանն<sup>39</sup>: Քանզի միութեամբ աստուածացոյց յասելն յայսպէս, եթէ<sup>40</sup> «Հոգին է կենդանարար, մարմին ինչ ո՛չ<sup>41</sup> ազնէ»: Եւ դարձեալ, թէ՛ «Բանն, զոր<sup>42</sup> խաւեցաւ<sup>43</sup> ընդ ձեզ, հոգի է եւ կեանք»: Եւ այլ<sup>44</sup> վերագոյն ասէ<sup>45</sup>. «Հոգի է Աստուած, եւ երկրպա-

- 1 aii, աստուածութեանն փխ աստուածութեան (em)
- 2 aii, մարդկութեանն փխ մարդկութեան (em)
- 3 a վարդապետութեանն փխ վարդապետութեան (eii,m)
- 4 m Աստուածաբանն փխ Աստուած Բանն (aeii,)
- 5 e յասել, i ասելն փխ յասելն (ai,m)
- 6 m չիք որ (aii,)
- 7 e Որդին փխ եթէ ո՛չ...Որդի (aii,m)
- 8 m մարդո
- 9 e էն փխ էն (aii,m)
- 10 i,m Մօսէս
- 11 m բարձրացոց / e բարձրացոց Մովսէս փխ Մովսէս բարձրացոց (aii,m)
- 12 i յանապատի
- 13 m Որդո, ii, Որդոյ փխ Որդոյ (ae)
- 14 i մարդոյ փխ մարդոյ (ai,m) / e չիք մարդոյ (e-ի լուսանցքում նշում է նաեւ այս սուրբգրային մէջբերման տեղը՝ Ծօհ 3.14)
- 15 m նայեա՛ / e Նայեա՛ աղէ՛ փխ Աղէ՛ նայեա՛ (aii,m)
- 16 m մարդո / i մարդոյ
- 17 e Վերագոյնն փխ Վերագոյն (aii,m)
- 18 m մարդո / i մարդոյ
- 19 e միացեաց փխ միացեալ...մարմնի (aii,m)
- 20 e զի Աստուած այնպէս սիրեաց զաշխարհ փխ թէ՛ Այնչափ...զաշխարհս (aii,m)
- 21 m մարդո / i մարդոյ
- 22 a որ է մարդ փխ Որդի Աստուծոյ (eii,m)

- 23 i,m հաւատա
- 24 e ընկալցի փխ ընդունի (aii,m)
- 25 ii, զկեանսն փխ զկեանս (aem)
- 26 e յաւիտենականս փխ յաւիտենից (aii,m)
- 27 ii,m նայեա՛ց եւ ի փխ նայեա՛ եւ (ae)
- 28 m ի միտ
- 29 aii, վերագոյնն փխ վերագոյն (em)
- 30 i,m թէ փխ եթէ (ai)
- 31 i, յերկնից / e չիք եթէ ո՛չ...յերկնից (aii,m) (տե՛ս յերկինս...յերկնից)
- 32 aii, Որդին փխ Որդի (em)
- 33 m մարդո / i մարդոյ
- 34 m ներքսագոյնս փխ ներքսագոյն (aeii,)
- 35 m մարդո
- 36 m համփոփեաց
- 37 m զԱստուածութիւնն փխ զԱստուածութիւնն (aeii,)
- 38 i յԱստուածութիւնն, m Աստուածութիւն փխ Աստուածութիւնն (aei,)
- 39 m բնութեամբ / e չիք եւ մեկնեալ...բնութեանն (aii,m) (երկու տող)
- 40 e թէ փխ եթէ (aii,m)
- 41 e ո՛չ ինչ փխ ինչ ո՛չ (aii,m)
- 42 e զոր եւ փխ թէ՛ Բանն, զոր (aii,m)
- 43 i խաւեցայ փխ խաւեցաւ (aei,m)
- 44 e չիք այլ (aii,m)
- 45 e չիք ասէ (aii,m)